



REPUBLIKA E SHQIPËRISË  
BASHKIA PUKË  
SEKTORI I NDIHMËS EKONOMIKE  
DHE SHËRBIMIT SOCIAL

Nr. 1389 Prot

Pukë, më 28.06.2021

PROJEKT - VENDIM

Nr. 8 datë 28.06.2021

PËR

“ MIRATIMIN E PLANIT SOCIAL TË BASHKISË PUKË 2021 -2023”

Këshilli i Bashkisë Pukë në mbledhjen e tij të radhës me datë, . Në zbatim te nenit 55, 64, të ligjit nr. 139/2015 “Për Vetëqeverisjen Vendore”, ligjit 9669 date 18.12.2006” Per masa ndaj dhunes ne marrëdhëniet familjare”, i ndryshuar, VKM nr.334 dt17.02.2011’ “Për mekanizmin e bashkërendimit të punës për referimin e rasteve të dhunës në marrëdhëniet familjare dhe mënyrën e procedimit të tij”, Ligjit nr 18/ 2017 “Per te drejtat dhe mbrojtjen e femijes”, neni 36 i Ligjit nr.121, date 21.11.2016 “Për shërbimet e kujdesit shoqëror në Republikën e Shqipërisë”, VKM nr.150 datë 20.03.2019 “Për metodologjinë e Llogaritjes së Fondeve për Financimin e Shërbimeve Të Kujdesit Shoqëror”, pika 11, shkresën nr.2171, datë 15.04.2019 Ministrisë së Shëndetësisë dhe mbrojtjes sociale, Drejtoria e Finances dhe e Buxhetit, Sektori i ndihmës ekonomike dhe shërbimit social me propozim të Kryetarit të Bashkisë, Këshilli Bashkiak pas shqyrtimit:

VENDOSI:

1. Të miratojë Planin Social te Bashkisë Pukë 2021 -2023, sipas raportit bashkëngjitur.
2. Për zbatimin e këtij vendimi ngarkohet Drejtoria e Finances dhe Buxhetit, personat përgjegjës sipas zyrave përkatëse.
3. Ky vendim hyn në fuqi sipas nenit 55 pika 6, e ligjit nr.139/2015 “Për Veteqeverisjen Vendore”.
4. Shpallur me datë \_\_\_\_\_ 2021

Hartues

Anjeza Doda

Juristi

Aida Sinani

KRYETARI

Gjon Gjonaj



REPUBLIKA E SHQIPËRISË  
BASHKIA PUKË  
SEKTORI I NDIHMËS EKONOMIKE  
DHE SHËRBIMIT SOCIAL

Nr. 1389/ 1

Pukë, më 28.06.2021

R E L A C I O N

PËR

“MIRATIMIN E PLANIT SOCIAL TË BASHKISË PUKË 2021 -2023”

Mbeshtetur ne Ligjin 139/2015 “ Per qeverisjen vendore” , Ligjit nr. 121/2016 “Për shërbimet e kujdesit shoqëror në Shqipëri”përgatitja dhe zbatimi i Planit Social është detyrim ligjor i njësisve të vetëqeverisjes vendore.

Dokumenti në vijim është i organizuar në dy pjesë:

- ✓ **Pjesa e parë** përmban Raportin e Vlerësimit të Nevojave, i cili jep të dhëna të detajuara mbi situatën egzistuese në këndvështrimin e (i) organizimit, strukturave dhe kapaciteteve të stafit lokal të shërbimeve të kujdesit shoqëror, (ii) individëve dhe grupeve në nevojë në territorin e Bashkisë Pukë, (iii) shërbimeve egzistuese në territor. Kjo pjesë përmban rekomandime specifike për ndryshimin e situatës së ofrimit të shërbimeve të kujdesit shoqëror në Bashkinë Pukë mbi bazën edhe të konsultimeve të kryera me aktorët publik e jo publik në fushën e shërbimeve të kujdesit shoqëror.
- ✓ **Pjesa e Dytë** përmban Planin Social të Bashkisë Pukë, i hartuar mbi bazën e nevojave për shërbime të identifikuar të individëve dhe grupeve në nevojë në territorin e Bashkisë, kuadrin ligjor, strategjitë dhe standartet kombëtare specifike, si dhe politikat lokale të zhvillimit.

**Metodologjia ku ne jemi mbështetur është pjesë e metodologjisë së ndjekur nga shërbimi social kombëtar për politika lokale dhe synon që nepermjet:**

- a) Të dhëna demografike bazë;
- b) Profili dhe karakteristikat e përdoruesve të shërbimit;
- c) Shërbimet egzistuese në territorin e Bashkisë ose që përfshin dhe Bashkinë;
- d) Shpërndarja e shërbimeve në territor;
- e) Financimi i shërbimeve aktuale;
- f) Të dhëna mbi strukturat e ngritura në Bashki dhe njësi administrative në përputhje me ligjin;

- g) Të dhëna krahasuese mbi buxhetin e Bashkisë për shërbimet e kujdesit shoqëror dhe shpërndarjen e tij, të kemi një vlerësim real të nevojave në fushën e shërbimeve të kujdesit shoqëror në Bashkinë e Pukës, duke u mbështetur edhe në ofrues publik dhe jo publikë ekzistues të kujdesit shoqëror në Bashkinë e Pukës, organizatave jo qeveritare që operojnë në territorin e Bashkisë, përfaqesues nga sistemi arsimor, shëndetësor etj.

Në rast kur mungojnë shërbimet e ngritura nga institucionet publike, këto shërbime duhet të kontrahohen nga organizatat jo-fitimprurëse apo ofrues të tjerë të shërbimeve. Kjo do të zvogëlonte kostot e ngritjes dhe kohën dhe do të lejonte fleksibilitet më të madh në ofrimin e shërbimit duke u mbështetur në nevojat specifike të individëve dhe familjeve në nevojë.

Në këtë studim janë specifikuar edhe financimet e shërbimeve të kujdesit shoqëror, nga se përbehen ato, roli i Bashkisë në ngritjen dhe funksionimin e shërbimeve të kujdesit shoqëror, struktura përgjegjëse, gjendja ekzistuese e strukturave të njësive vendore, shërbimeve të kujdesit shoqëror dhe grupeve në nevojë.

Në këtë aspekt është bërë një vështrim i përgjithshëm shoqëror dhe social me të dhëna të specifikuar në nr. E popullsisë, shtrirjen dhe përberjen e njësive administrative (shpërndarje e popullsisë), të dhëna për persona me aftësi ndryshe, familje të pastreha.

**Te gjitha keto kanë si objektiv;**

Fuqizimin e strukturave dhe kapaciteteve të shërbimeve sociale të Bashkisë, zhvillimin dhe qasjen ndërsektoriale në menaxhimin e rasteve sociale, ngritjen dhe funksionimin i rrjetit lokal të koordinuar të shërbimeve të kujdesit shoqëror, mbrojtjen dhe riintegrimin e familjeve në nevojë

**Si perfundim** vetë përfituesit e shërbimeve të kujdesit shoqëror do të kenë zë në vlerësimin e tyre, pasi plani përmban aktivitete që Bashkia të ngrejë mekanizma për të marrë mendimin e tyre në vendimarrje të rëndësishme, siç është edhe zbatimi dhe rishikimi i këtij Plani.

**Spektori i Ndihmës Ekonomike**

**Anjeza Doda**

